

法苑珠林卷第六十三

壁三

大唐上都西明寺沙門釋道撰

祈雨篇第七十一

此有四部

園果篇第七十二

述意部

祈祭部

降雨部

河海部

述意部第一

夫聖道虛寂故能圓應無方以其無方之應故應無不適比以陰陽愆候

亢旱積時比壩之禮久申西郊之雨莫應聖上憂地庶之失業恐稼穡之不登減膳恤利膏興盥食精誠格於上下玉帛遍於山川靈液莫霑祈雲罕積仰惟慧炬潛曜無幽不燭神功叵測有感必通所以仰憑三寶敷演一乘轉讀微言樹茲大福願法教始開慈雲遐

布玄言一闡霈澤遠潭嘉禾連秀於原野瑞果遍生於林木衣唯服於八蜚食必資於七獲世界鬱若衆香含生宛如安養無請不諧有祈必應並沐茲定水絕聖智之原闢此愛羅超有無之境也 祈祭部第二 如大雲輪請雨經云佛言若請大雨及止雨

法汝今諦聽其請雨主於一切衆生起慈悲心受八戒齋於空露地應張青帳懸十青幡淨治其地牛糞塗場請誦呪師坐青座上若在家入受八戒齋若比丘者應持禁戒皆著清淨衣燒好名香又以末香散法師座應食三種白淨之食所謂牛乳酪及粒米誦此大雲輪品時面向東坐晝夜至心令聲不斷供養一切諸佛復以淨水置新瓶中安置四維隨其財辦作種種食供養諸龍復以香華散道場中及與四面法座四面各用純新淨牛糞汁畫作龍形耶舍法師傳云西國土俗以牛能耕地出生萬物故以牛爲淨梵王帝釋及牛並立神廟以祠之佛應俗情故同爲淨東面去座三肘已外畫作龍形一身三頭并龍眷屬南面去座五肘已外畫作龍形一身五頭并龍眷屬西面去座七肘已外畫作龍形一身七頭并龍眷屬北面去座九肘已外畫作龍形一身九頭并龍眷屬其誦呪師應自護身或呪淨水或呪白灰自心憶念以結場界或畫一

步乃至多步若水若灰用爲界畔或呪縷繫
頸若手若足呪水灰時散灑頂上若於額上
應作是念有惡心者不得入此界場其誦呪
者於一切衆生起慈悲心勸請一切諸佛菩
薩憐愍加護迴此功德分施諸龍若時無雨
讀誦此經一日二日乃至七日音聲不斷亦

登

朱林六十三

二

如上法必定降雨大海水潮可留過限若能
具足依此修行不降雨者無有是處唯除不
信不至心者又大雲輪請雨經一卷略要云
佛告諸大龍王我今當說昔從大悲雲生如
來所聞陀羅尼過去諸佛已說威神我今亦
當隨順而說利益一切諸衆生故憐愍與樂
於未來世若炎旱時能令淨雨若水澇時亦
令止息疫死險難皆得滅除能集諸龍能令
諸天歡喜踊躍能壞一切諸魔境界能令衆
生具足安樂而說呪曰 怛經他摩訶若引
那引婆婆引薩屋一失梨帝殊羅皸弥二地
履荼毗迦羅摩鉢耶囉僧呵怛祢三波羅摩

避囉闍四尼摩羅求那雞闍蘇栗耶波羅毗
五毗摩嵐伽耶師皸六婆呵囉婆呵囉七
南無若那一沙伽羅毗盧遮那耶二多他竭
多耶三南無薩婆佛陀四菩提薩埵毗呵五
又呪曰 怛吒怛吒一帝致帝致二闍晝闍
晝三摩訶摩屋四摩俱吒五毛林達羅屋比

沙六于留必那七三摩羅他八帝利曷囉怛
那地師吒南九跛折囉陀羅薩埵那十跛利
沙他伊呵闍浮提地卑莎呵十一又呪曷婆何夜
寐一薩婆那紺二迷帝羅質埵那三菩提質
哆弗婆紺寐那四那羅那羅五祢梨祢梨六
奴盧奴盧七莎呵 又呪曰 釋迦羅薩埵

朱林六十三

三

那一鉢羅婆羅沙地二摩訶那伽三伊呵闍
浮提卑莎呵四又呪曰阿師吒摩迦一薩埵
那二鉢囉婆利沙他三摩訶那伽四伊呵闍
浮提卑莎呵五又大方等大雲經云佛言若
有國土欲祈雨者六齋之日其王應當淨自
洗浴供養三寶尊重讚歎稱龍王名善男子

四大之性可令變易誦持此呪天不降雨無有是處是經典中有神呪故為衆生故三世諸佛悉共宣說 郁究隸牟究隸頭垓比

頭垓陀垓羯垓 陀那賴垓 陀那僧 塔方

降雨部第三 如分別功德論云天及龍皆能降雨何以取別天雨細霧下者是龍雨鹿

下者是又阿脩羅共天鬪時亦能降雨雨有

二種有喜雨有瞋雨若雨和調者是歡喜雨

若興雷電霹靂者是瞋恚雨

並自外雲雨雷電等並如前日月篇說

又增一阿含經云佛言如是世間不可思議如龍界不可思議云何此雨為從龍口出耶

答不從龍口出為從龍眼鼻身出耶亦不從

此出但龍意所念若念惡亦雨若念善亦雨亦由根本而作此雨如須弥山腹有天名曰大力知衆生心之所念亦能作雨然雨不從彼天口眼耳鼻出也皆由彼有神力故而作此雨。又華嚴經云佛子譬如大龍隨心降雨雨不從內亦不從外如來境界亦復如是隨

心所念於念念中出生無量不可思議智彼諸智慧悉無來處又言佛子一切大海水皆從龍王心願所起如來智慧亦復如是悉從大願力起佛子如來智海無量無邊不可言說不可思議我說少喻汝今諦聽佛子此閻浮提內流出二千五百河水悉入大海俱耶

居內河出五千河水悉入大海弗婆提內流出八千四百河水悉入大海鬱單越內流出一萬河水悉入大海佛子此四天下內如是二萬五千九百河水悉入大海佛子於意云何此水多少答言甚多佛子復有十光明龍王雨大海中悉過前水百光明龍王雨大海

朱林六十三

中復悉過前如是等八十億龍王各雨大海展轉過前娑伽羅龍王太子名曰佛生雨大海中復悉過前佛子彼十光明龍王所住淵池流入大海復悉過前百光明龍王所住淵池流入大海復悉過前如是等廣說乃至娑伽羅龍王太子所住淵池流入大海復悉過

前佛子如彼八十億龍王乃至娑伽羅龍王太子兩大海中及其淵池皆悉不及娑伽羅龍王所兩大海娑伽羅龍王所任淵池涌出流入大海倍復過前波涌流水青瑠璃色盈滿大海涌出有時是故海潮常不失時佛子如是大海其水無量珍寶無量衆生無量大

地無量佛子於意云何彼大海水爲無量不答言實尔其水深廣不可爲喻佛子如是海水深廣無量於如來無量智海百分不及一乃至不可爲譬但隨所應化爲作譬喻

河海部第四 如新婆沙論云於此瞻部洲中有四大河眷屬各四隨其方面流趣大海謂即於此瞻部洲中有一大池名無熱惱初從彼出四大河一名菟伽二名信度三名縛芻四名私多初菟伽河從池東面金烏口出右遶池一而流出東海次信度河從池南面銀牛口出右遶池一而流入南海次縛芻河從池西面吠瑠璃馬口出右遶池一而流入

朱林六十三

五

西海後私多河從池北面頰胝迦師子口出右遶池一而流入北海菟伽大河有四眷屬一名閻母那二名薩洛瑜三名阿氏羅筏底四名莫醯信度大河有四眷屬一名毗跋奢二名藹羅筏底三名設咀荼盧四名毗咀婆多縛芻大河有四眷屬一名筏刺弩二名大

咀刺左三名防奢四名屈慙婆私多大河有四眷屬一名薩梨二名避魔三名捺地四名電光如是且說有大名者然四大河一一各有五百眷屬并本合有二千四河隨其方面流趣大海如是所說二千四河未入海頃頗有能令不入海不無如是事假使有人或以神力或以呪術廣說乃至令不得入聖諦現觀無有是處又涅槃經云譬如大海有八不可思議何等爲八一者漸漸轉深二者深難得底三者同一鹹味四者潮不過限五者有種種寶藏六者大身衆生在中居住七者不宿死屍八者一切萬流大雨投之不增不減

又金剛三昧不壞不滅經云佛言弥勒當知阿耨大池出四大河此四大河分爲八河及閻浮提一切衆流皆歸大海以波焦山大海不增以金剛輪故大海不減此金剛輪隨時轉故令大海水同一鹹味又涅槃經云善男子如恒河中有七衆生一者常沒二者暫出

還沒三者出已則住四者出已遍觀四方五者遍觀已行六者行已復住七者水陸俱行言常沒者所謂大魚受大惡業身重處深是故常沒暫出還沒者如是大魚受惡業故身重處淺暫見光明因光故出重故還沒出已住者謂玆弥魚身處淺水樂見光明故出已

住遍觀方者所謂錯魚爲求食故遍觀四方是故觀方觀已行者謂是錯魚遙見餘物謂是可食疾行趣之故觀已行行已復住者是魚趣已既得可食即便停住故行已復住水陸俱行者即是龜也

喻七種衆生者如文不煩此述

頌曰

玄言始開闢 雲霧上昇天 雲霧垂下布

壁

朱林六十三

駛雨遍山園 百草俱滋茂 五穀皆熟田
自非慈福力 豈感樂豐年

感應緣略引二十二驗

秦時中宿縣有觀亭水神

秦時丹陽縣湖側有梅姑神

漢時夜郎縣水竺王祠有竹節神

漢中平年江水內有蜮含沙射人

漢永昌郡不韋縣有禁水毒氣

太山之東有澧泉飲用神靈

二華之山當黃河有神排分流

黃帝時有赤將子輦能隨風雨上下

神農時有松子是雨師能服水入火

漢沙門千古能祈雨將孫策忌害見恠

漢沙門竺墨蓋祈雨有徵

晉沙門僧群隱山感神水飲而不飢

晉廬山釋慧遠以杖掘地感泉涌出

晉沙門于法蘭感涸澗涌水清流

晉沙門涉公能祝龍下鉢中

晉沙門佛畱澄能祈雨白龍二頭顯

晉沙門竺曇摩羅剎能祝水枯而更流

宋沙門求那跋陀羅能祈雨應時而降

齊沙門曇起有神請起祈雨有徵

梁安國寺有瑞像放光處有泉涌

唐沙門空藏能祈雨甚有徵應

聖

朱林六十三

唐沙門慧璿山隱無水感神請居得水

秦時有中宿縣千里水觀亭有江神祠壇經
過有不格者必狂走入山變爲虎中朝縣民
至洛反路見一行旅寄其書曰吾家在觀亭
廟前石間懸騰馬是也但扣騰自應者乃歸
之如言果有二人從水中出取書而淪還云

江伯欲見君此人不覺隨去便覩屋宇精麗
飲食鮮香言語接對無異世間也。秦時丹陽
縣湖側有梅姑廟姑生時有道術能著履行
水上後負道法聳怒殺之投屍於水乃隨流
波漂至今廟處鈴下巫人常令殯殮不須墳
瘞即時有方頭漆棺在祠堂下晦望之日時

見水霧中暖然有著履形廟左右不得取魚
射獵輒有迷徑溺沒之患巫云姑既傷死所
以惡見殘殺也。漢夜郎牂水竺王祠者昔有
女子浣於水濱有大節竹流入女足間推之
不去有小兒啼聲破之得一男兒長養有才
武遂雄夷獠因竹爲姓所破之竹弃之於野

即生成林王嘗止石上作羹無水以劍擊石
泉便涌出今竹王水及破石竹林並有漢使
唐蒙誘而斬之夷獠怨訴竹王非血氣所育
求立嗣太守吳霸表封其三子爲侯今猶有
竹王節廟右此三驗出異苑漢中平年內有物處于
江水其名曰蜮一曰短狐能含沙射人所中

者則身體筋急頭痛發熱劇者至死江人以
行方仰之則得沙石於肉中詩所謂爲鬼爲
蜮則不可得也今俗謂之谿毒先儒以爲南
方男女同川而浴塗氣之所生也。漢時永昌
郡不韋縣有禁水水有毒氣唯十一月十二
月可渡自正月至十月不可渡得病殺人其

氣中有惡物不見其形其似有聲如有以所投擊內中木則折中人則害土俗号為鬼彈太山之東有澧泉其形如井本體是石也欲取飲者皆洗心致跪而挹之則泉出如流多少足用若或汙慢則泉縮焉蓋神明之常志者也。二華之山其本一山也當河河水過之

壁

朱林六十三

而曲流有神排而分之以利河流其手足迹于今存焉故張衡作西京賦所稱巨靈鼎鬲高掌遠迹以流河曲是也。赤將子輦者黃帝時人也不食五穀而噉百草華至堯時為木工能隨風雨上下時時於市門中賣繳亦謂之繳父。周禮春官宗百曰禮司命風伯雨師星也風師箕星也雨師畢星也玄謂司中司命文昌第四第五星也案抱朴子曰河伯者華陰人以八月上庚日度河溺死天帝署為河伯又五行書曰河伯以庚辰日死不可治般遠行溺沒不反。赤松子者神農時雨師也服水玉以教神農能入火自燒至崑崙山常

入西王母石室隨風雨上下炎帝少女追之亦得俱去至高辛時復為雨師今之雨師本之焉右七條出漢書漢孫策既定會稽引兵迎

漢帝時道人于吉在策軍中遇天大旱船路艱澁策嘗自出督切軍中人每見將士多在吉所因憤怒曰吾不如吉平收吉縛置日中

令其降雨如不能者便當受誅俄頃之間雲雨滂沛未及移時川澗涌溢時並來賀吉免其死策轉忿恚意使殺之因是策頗愍常每髣髴見吉後出射獵為刺客所傷治療將差引鏡自窺鏡中見吉顧則無之如是再三遂撲鏡大叫瘡皆崩裂須臾而死見冤魂志

壁

朱林六十三

九

漢沙門竺曇蓋秦郡人也真確有苦行提鉢振錫取給四輩居于蔣山常行般舟尤善神呪多有應驗司馬元顯甚敬奉之衛將軍劉毅聞其精苦招來姑熟深相愛遇義興五年大旱陂湖竭涸苗稼焦枯祈祭山川累旬無應毅乃請僧設齋蓋亦在焉齋畢躬乘露祈

浮泛川溪文武士庶傾州悉行蓋於中流焚香禮拜至誠慷慨乃讀海龍王經造卷發音雲氣便起轉讀將半沛澤四合纔及釋軸洪雨滂沱畦湖必滿其年以登劉敬叔時爲穀國郎中令親豫此集自所覩見晉安羅江縣有霍山其高蔽日上有石杵面徑數丈杵中

泉水深五六尺經常流溢古老傳云列仙之所遊餌也有沙門釋僧群隱居其山常飲此水遂以不飢因而絕粒晉安太守陶憂聞而求之群以水遺陶出山輒臭陶於是越海造山于時天景澄朗陶踐山足便風雨晦冥如此者三竟不得至群所栖策與泉隔一澗旦夕往還以一木爲梁後旦將渡輒見一折翅鴨舒翼當梁頭逆啞僧群求不得過欲舉錫撥之恐其墜死於此絕水俄而飢卒時傳云年百四十群之將死爲衆說云年少時嘗打折一鴨翅將或此鴨因緣之報乎晉尋陽廬山西有龍泉精舍即慧遠沙門之所立也遠

始南渡愛其區立欲創寺宇未知定方遣諸弟子訪履林澗疲息此地群僧並渴率同立誓曰若使此處宜立精舍當願神力即出佳泉乃以杖掘地清泉涌出遂畜爲治因構堂于其後天嘗亢旱遠率諸僧轉海龍王經爲民祈雨轉讀未畢泉中有物形如巨虵騰空

而去俄介洪雨四澍高下普霑以有龍瑞取名焉晉沙門干法蘭高陽人也十五而出家器識沉秀業操貞整寺于深巖嘗夜坐禪虎入其室因蹲牀前蘭以手摩其頭虎奮耳而伏數日乃去竺護燉煌人也風神情宇亦蘭之次干時經典新譯梵語數多辭句煩無章

壁

朱林六十三

十

偈不整乃領其旨要刊其游文亦養徒山中山有清潤汲漱所資有採薪者嘗穢其水水即竭涸俄而絕流護臨澗徘徊歎曰水若遂竭吾將何資言終而清流洋溢尋復盈澗並武惠時人也支道林爲之像讚曰干氏超世綜體玄旨嘉遁山澤仁威虎光護公澄寂道

德淵美微吟空澗枯泉還水

右四人出
冥祥記

晉長安有沙公者西域人也虛靖服氣不食五穀日能行五百里言未然之事驗若指掌以符堅建元十一年至長安縣以秘祝祝下神龍每早堅常請之祝龍俄而龍下鉢中天輒大雨堅及群目親就鉢觀之咸歎其異堅

奉爲國神士庶皆投身接足自是無復炎旱之憂至于六年十二月無疾而化堅哭之甚慟卒後七日堅以其神異試開棺視之不見屍骸所在唯有殮被存焉至十七年自正月不雨至于六月堅減饌徹懸以迎和氣至七月降雨堅謂中書朱彤曰沙公若在朕豈焦

心於雲漢若是哉此公其大聖乎彤曰斯術幽遠實亦曠古之奇也。晉時佛畷澄博術終古道藝超羣晉建武年正月至六月時天大旱石虎遣太子詣臨漳西谷口祈雨久而不降虎令澄自乞即有白龍二頭降於祠所其日大雨方數千里其年大收戎貊之徒先不

坐

朱林六十三

上

識法聞澄神驗皆遙向禮拜並不言而化焉晉長安有竺曇摩羅刹此云法護其先月氏人本姓支氏世居燉煌天性純懿操行精苦篤志好學万里尋師日誦萬言過目即能是以博覽六經遊心七籍雖世務毀譽未嘗分抱是時晉武之世寺廟圖像雖崇京邑而方等深經蘊在葱外護乃慨然發憤志弘大道遂隨至西域大賁經論還歸中夏沿路傳譯寫爲晉文所獲賢劫正法華光讚等一百六十五部孜孜所務唯以弘通爲業終身寫譯勞不告倦後隱居深山山有清澗恒取澡漱後有採薪者穢其水側俄頃而燥護乃徘徊歎曰人之無德遂使清泉輟流水若永竭真無以自給正當移去耳言訖而泉流滿澗其幽誠所感如此故支遁爲之像贊云護公澄寂道德淵美微吟穹谷枯泉漱水邈矣護公天挺弘懿濯足流沙領拔云致後立寺於長安青門外精勤行道至於道德

化被遐布聲蓋四遠僧徒數千咸共宗事及晉惠西奔關中擾亂百姓流移護與門徒避地東下至澠池溝疾而卒春秋七十有八後孫綽製道賢論以天竺七僧方竹林七賢以護近山巨源宋大明六年天下亢旱禱祈山川累月無驗世祖請求那跋陀羅三藏法師

祈雨必使有感如其無獲不須相見跋陀曰仰憑三寶陛下天威異必降澤如其不獲不復重見即往北潮釣臺燒香祈請不復飲食默而誦經密加秘呪明日晡時西北雲起初如團蓋日在桑榆風震雲合連日降雨明旦公卿八賀勅見慰勞餽施相續至太宗之世

禮供彌隆到太始四年正月覺體不愈臨終之日延佇而望云見天華聖像隅中遂卒春秋七十有五太宗深加痛惜慰贈甚厚公卿會葬塋哀備焉齊錢唐靈苑山有釋曇超姓張清河人形長八尺容止可觀蔬食布衣一中而已初止都龍華寺元嘉末南遊始興遍

聖

朱林六十三

十二

觀山水獨宿樹下虎光不傷大明中還都至齊太祖即位被勅往遼東弘贊禪道停彼二年大行法化建元末還京俄又適錢唐之靈苑山每一入禪累日不起後時忽聞風雷之聲俄見一人執笏而進稱嚴鎮東通須臾有一人至形甚端正羽衛連翩下席禮敬自稱弟子居在七里任周此地承法師至故來展束富陽縣人故冬鑿麓山下爲塹侵壞龍室羣龍共忿作三百日不雨今已一百餘日并池枯涸田種永罷法師既道德通神欲仰屈前行必能感致澗澤蒼生功有歸也超曰興雲降雨本是檀越之力貧道何所能乎神曰弟子部曲止能興雲不能降雨是故相請耳遂許之神儵然而去超乃南行經五日至赤亭山遙爲龍呪願說法至夜羣龍悉化作人來詣超禮拜超更說法因乞三歸自稱是龍超請其降雨乃相看無言其夜又與超夢云本因忿立誓法師既導之以善輒不敢違命

明日晴時必當降雨超明日即往臨泉寺遣人告縣令辦船於江中轉海龍王經縣令即請僧浮船啓首轉經緣竟遂興雲降大雨高下皆足歲以獲收超以永明十年卒春秋七十有四右五人出梁高僧傳。梁安國寺在秣陵縣都鄉同下里以永明九年起造寺有金銅像一軀

堂

朱林六十三

十三

高六寸五分以去天監六年二月八日於寺東房北頭第三間內忽聞音樂聲介後房主藥王尼所住房牀前時時有光照屋到二十三日於光處忽有泉涌仍見此瑞像隨水而出遠近駭觀咸生隨喜泉既不竭乃累墀爲井井猶存焉右一見京寺記。梁唐釋空藏者至貞觀

年住京師會昌寺誦經三百餘卷說化爲業遊涼川原有緣斯赴昔往藍田負兒山所誦經賣麪六斗擬爲月糧乃經三周日取二升猶不得盡又感神鼎不知何來時至玉泉寺以爲終焉之地時經亢旱泉竭苗焦合寺將敬藏乃至心祈請泉即應時涌溢天雨滂沛

道俗動色驚嗟不已至貞觀十六年終於會昌還葬山所唐襄州光福寺釋慧璿姓董氏善通三論涅槃莊老俗書久已洞明由此聲譽久逸漢南至貞觀二十三年講涅槃經四月八日夜山神告曰法師疾作房宇不久當生西方至七月十四日講盆經竟煅手曰生常信施今須通散一毫以上捨入十方衆僧及窮獨乞人并諸異道言訖而終法座春秋七十有九初住光福寺居山頂上引汲爲勞將移他寺夜見神人身長一丈衣以紫袍頂禮璿曰奉請住此常講大乘經勿以小乘爲慮其小乘者亦如高山無水不能利人大乘經者猶如大海自止此山多佛出世一人讀誦講說大乘能令所任珍寶光明眷屬榮勝飲食豐饒若有小乘前事並失唯願弘持勿孤所望此山頂寺先無水可得山神曰法師須水此易可得來月八日定當得之自往劔南慈母山大泉請一龍王去也言訖已不見

恰至來月七月初夜大風卒起從西南來雷震雨注在寺北漢高廟下佛堂後百步許通夜相續至明方住唯見清泉香而且美合眾同幸及止此住本龍泉漸竭據斯以驗實感通奇唐右此三出僧傳園果篇第七十二此有五部

述意部引證部朱林六十三樹果部十四損傷部種子部

述意部第一竊惟王舍竹園經行是寄靈

山石室宴坐斯依淨住遍於十方慈化通於三界所以遠追須達高慕庵羅崇無盡之因造不壞之地興心敬仰福趣玄門起念乖恭業鍾湯炭故覩則發心見便忘返蓋福生善稱為伽藍也若有真心造作縱小得福弘多

何況於大若起偽心修造縱大得福尚少何況於小是故行者若欲造作必須依法不得引證部第二姦偽也

如過去因果經云諸僧伽藍中竹園僧伽藍最為其始又中本經云羅闍祇國長者迦蘭陀心念可惜我國施與尼捷佛若先至奉佛

及僧悔恨前施永為棄捐大鬼將軍名曰半師知其心念即召闍義推逐尼捷裸形無耻不應止此尼捷驚怖馳走而去長者歡喜營造精舍施佛及僧又菩薩藏經云阿難我今於此竹園中轉此菩薩藏經不退轉輪斷一切眾生疑阿難過去諸佛亦皆於此虛空地

分說菩薩藏經阿難所有貪瞋癡眾生入此竹園不發貪瞋癡眾鳥入者非時不鳴蒹沙大王與諸姝女入此園中共相娛樂自覺無欲諸女亦尔時王歡喜每作是念願世有佛當以園奉上於佛佛於中住我當聞法何以故可供養者應住此園非五欲人所應得住朱林六十三

是園無有虺蛇蜈蚣蚊蚋毒螫若住其中無復毒心亦是竹園不共功德又正法念經云若有眾生信心清淨以園林地施與眾僧令僧受用命終生捷陀羅天天女園遶百倍縱逸若有眾生以善修意為遮寒熱造作義屋令人受用命終生常恣意天五欲自娛從天

命終若得人身爲王大師 樹果部第三

如立世阿毗曇論云閻浮樹者此樹生在閻浮提地北邊在泥民陀羅河南岸是樹株本正洲中央從樹株中央取東西角並一千由旬是樹生長具足形容可愛枝葉相覆久住不彫一切風雨不能侵入次第相覆高百由旬下本洪直都無瘤節五十由旬方有枝條樹身徑刺廣五由旬圍十五由旬其一一枝橫出五十由旬中間亘度一百由旬周迴三百由旬其果甘美無比如細蜂蜜果大如瓮其核大小如世間閻浮子核其上有鳥獸之形東西枝有子多落閻浮提地少落水者南枝果子並落閻浮提北枝果子悉落河中爲魚所食樹根悉是金砂所覆當春雨時下不漏濕夏則不熱冬無風寒乾闥婆及藥叉神依樹下住如是之事云何知耶昔王舍城有兩比丘具神通力共爲朋友往看彼樹遂至樹所見樹果熟墮地自破其一比丘從其蒂

孔授手至甲其最長指猶不至核牽手而出爲果所染手甲皆赤其果香氣能染人心鼻嗅果香第二比丘問言汝欲食不長老我不樂食是事者有不可思議是離欲結最爲廣大何以故若人未離欲嗅是香即生心氣乃發顛狂有諸離欲外人若嗅此香退失離欲

之地是二比丘還王舍城說如上事時有一人名曰長脛本是王種姓拘利氏宿業果報所得神通若行水中前脚未沒後脚已移若行草葉草雖未靡便得移步是人從佛聞說此樹即白佛言我今行至閻浮樹不答云得至是人禮佛向北而去度諸山經過七山第

壁

朱六十三

十六

七名金邊山登山頂向北聳身遠望唯見黑暗怖畏而返佛問汝至閻浮樹不答言不到佛問汝何所見答曰唯覩黑暗佛言此黑暗色即閻浮樹是人重禮佛足右遶三匝更向北行重度前七山更度後七山又度六大國又度七大樹林林間有七大河度是七河又度

阿摩羅林及訶梨勒林乃至閻浮南枝從南枝上行至北枝是人俯窺見下水相與常水異澄清洞徹都無障礙是人思惟我之神通今於此處得成就不因脚履水手攀樹枝是脚至水如石即沒於此神通不得成就此水輕細如酥油浮在水上若以此水投於彼水

即沉如石是人取一果子還奉世尊佛受此果破爲多片施諸大眾果汁染於佛手佛以此手繫於山石至今赤色如昔不異濕亦不燥掌迹分明因昔分果爲片片故因名此石爲片片巖是時佛化優婁頻螺迦葉亦取此果與迦葉是閻浮樹外有二林形如半月圍

遶此樹其內有林名訶梨勒外名阿摩勒是果熟時其味最美不辛不苦如細蜂蜜果形大小如二斛器阿摩勒林南復有七林七河相間其最北林名曰菴羅次名閻浮三名娑羅四名多羅五名人林六名石榴林七名劫畢他林如是諸果不辛不苦甜如蜂蜜是人

壁

朱六十二

十七

林中果形似人若離欲人食此果者退失禪定其劫畢他林南有六大國其最南國名曰高流次名俱臘婆三名毗提訶四名摩訶毗提訶五名鬱多羅曼陀極北第六名捨喜摩羅耶是六國內人皆貞善持十善法其獸自死自至人所乃食其肉是處犛牛其數最多

以其髦尾用覆屋舍其地生麥不須耕墾是麥熟已無有糠粃是其國人磨蒸爲飯其麥氣味甘美如蜜又長阿含經云所以名閻浮提者下有金山高三十由旬由閻浮樹故得名爲閻浮金閻浮樹其果如簞其味如蜜樹有五大孤四面四孤上有一孤其東孤果乾闥和所食其南孤果七國人所食一名拘樓國二名拘羅婆三名毗提四名善毗提五名謨陀六名婆羅七名婆梨其西孤果海虫所食其北孤果禽獸所食其上孤果星宿天所食又中阿含經云過去閻浮提人壽八萬歲時有轉輪聖王出世名高羅婆王有樹名善

住尼拘類王而有五枝第一枝者王所食及皇后第二枝者太子食及諸臣第三枝者國人民食第四枝者沙門梵志食第五枝者禽獸所食尼拘類樹果大如二升瓶味如淖蜜丸無有護者亦無相偷有一人來飢渴極羸顏色顛顛欲得食果往至樹王所飽噉果已毀折其枝持果歸去尼拘樹王有一天依而居之彼作是念閻浮洲人異哉無恩無有反覆我寧令樹無果即不生果復有一人飢渴極羸欲得噉果往詣樹所見樹無果即往詣高羅婆王所白曰天王當知善住尼拘樹王無果王聞已如力士屈申辟頃至三十三天住帝釋前白曰拘翼當知尼拘樹王不生果於是帝釋及高羅婆王如力士屈申辟頃至善住尼拘類樹不遠而住化作大水暴風雨已拔根倒樹於是樹王居止樹天因此故憂苦愁戚啼泣垂淚在帝釋前立帝釋問曰何意啼泣彼天白曰當知大水暴風雨拔根倒

壁

朱林六十三

十八

樹願善住尼拘類樹王還復如本於是天帝復化作大水暴風雨已令尼拘樹王即復如故又華嚴經云雪山頂有藥王樹名非從根生非不從根生縱廣六百八十萬由旬下極金剛際此樹生根時閻浮提樹一切根生若生莖時及枝葉華果時閻浮提樹一切悉生枝葉華果其樹根能生莖能生根是故名曰不從根生非不從根生於一切處悉能生長唯除地獄深坑及水輪中不得生長耳又雜阿含經云昔者有王名拘獵國中有樹名羞波提桓五百六十里圍下根周布八百四十里高四千里枝四布布二千里樹有五果道有五面一面者國王與宮內諸伎女共食二面者大臣百官皆共食之三面者人民共食之四面者諸釋道士共食之五面者飛鳥禽獸共食之果如升瓶其味甜如蜜樹無守者果分不相侵時人壽八萬四千歲有九種病一寒二熱三飢四渴五大便六小便七愛欲八

食多九年老女人年五百歲今乃行嫁此同

佛出世

損傷部第四

如僧祇律云佛在世時有闍陀比丘須木造房有薩羅樹林便往伐之持用成房今時林中有鬼神依止此林語闍陀言莫作是樹令我小弱男女暴露風雨無所依止闍陀答言

壁

未詳六十二

十六

死鬼速去莫住此中誰喜見汝即便伐之時此鬼神即大啼哭將諸兒子詣世尊所佛知而故問汝何以啼哭答言世尊尊者闍陀伐我林樹持用作房我男女大小風雨漂露當何所依尔時世尊為此鬼神隨順說法憂苦即除去佛不遠便有林樹世尊拍授令得住止佛訶闍陀已如來一宿住止是處左右有樹木與人等者便為塔廟是故神祇樂來依止云何惡口罵之又四分律佛亦不許斫神樹斫者得突吉羅罪。又正法念經云若有衆生持戒離於邪見見人斫伐鬼神大樹夜叉羅刹之所依止其人擁護令不斫伐此諸

鬼神不惱害人依樹受樂無樹則苦此人命終生歡喜天與衆天女歡娛受樂從天命終若得人身安隱巨富又毗尼母經云有五種樹比丘不得斫伐一菩提樹二鬼神樹三閻浮提樹四阿私陀樹五屍陀林樹若比丘爲三寶種三種樹一者果樹二者華樹三者葉樹此但有福無過有比丘樹上安居縛木作床即不下樹放便利樹下此樹有大鬼忿瞋打此比丘殺佛言從今已去不聽比丘樹上安居樹下便利有五種樹不得破一菩提樹二神樹三路中大樹四屍陀林樹五尼拘陀樹若佛塔壞若僧伽藍壞爲水火燒得斫四種除菩提樹有五種樹應得受用一者火燒二者龍火燒三者自乾四者風吹來五者水漂如是等樹得受用 種子部第五如長阿含經云有何因緣世間有五種子有大亂風從不敗世界吹種子來生此國一者根子二者莖子三者節子四者虛中子五者

子子是爲世間有五種子出。又起世經云有何因緣有五種子世間出現佛告比丘若於東方有諸世界或成已壞或壞已成或成已住南西北方成壞及住亦復如是。今時有阿那毗羅大風別於他方成住世界吹五種子散此界中散已復散乃至大散所謂根子莖

朱林六十三

二十

子節子接子子子此爲五子閻浮樹果大如摩伽陀國一斛之甕。其果時汁隨流出色白如乳味甘如蜜。閻浮樹果隨所出生有五分益謂東南西方上下二方東方生者諸捷闍婆皆共食之南方生者爲七大聚落人民所食何者爲七一名不正叫一名叫喚三不

正體四賢五善賢六牢七勝西分生者金翅鳥等所共食之上分生者虛空夜叉皆共食之下分生者海中諸蟲皆來取食。又觀佛三昧經云佛言雪山有樹名殃伽陀其果甚大其核甚小推其本末從香山來以風力故得至雪山孟冬盛寒羅刹夜叉在山曲中屏囑

之處真穢不淨盈流于地猛風吹雪以覆其上漸漸成塹五十由旬因真力故此果得生根莖枝葉華實滋茂春陽三月八方同時皆悉風起消融冰雪唯果樹在其果形色閻浮提果無以爲辭其形團圓滿半由旬婆羅門食即得仙道五通具足壽命一劫不老不死

凡夫食之向得四沙門果三明六通無不悉備有人持種至閻浮提真壤之地然後乃生高一多羅樹樹名拘律陀果名多勒大如五升瓶人有食者能除熱病又涅槃經云佛言善男子雪山有草名曰忍辱牛若食之則成醍醐。頌曰 祇園感神夾 鹿苑化拘隣

壁

朱林六十三

北

聖人居福地 賢士樂山園 乍聞千葉現 時動百華鮮 香草皆滿地 靈芝遍房前 甘池流八水 神井涌九泉 華幡高颺颺 應感下飛仙 鳥弄千聲轉 人歌百福田 盛哉茲勝處 誰見不留連 感應緣略引 周隱王二年地暴長

夏秦周漢時山亡 漢哀帝時有靈樹變
漢建昭五年有大槐樹變漢靈帝有二櫟樹變
漢光和中時有靈草變漢永嘉年時有偃鼠
出恠 吳先主時有靈樹出變 吳時太守
郡境有靈槎恠 太古之時有女馬皮變為蜚
蟲 宋沙門釋僧瑜亡後房内生雙桐樹

唐王玄策西國行傳有金山

周隱王二年四月齊地暴長長丈餘高一尺
五寸京房易妖曰地長四時暴占春夏多吉
秋冬多凶歷陽之郡一夕淪入地中而為澤
水今麻湖是也不知何時運升樞曰邑之論
陰吞陽下相屠焉夏桀之時厲山亡秦始皇之
時三山亡周顯王三十二年宋大丘社亡漢
昭帝之末陳留昌邑社亡京房易傳曰山默
然自移天下有兵社稷亡也故會稽山陰瑯
琊中有恠山世傳本瑯琊東武山也時天夜
風雨晦冥旦而見武山在焉百姓恠之因名
曰恠山時東武縣山亦一夕自亡去識其形

者乃知其移來今恠山下見有東武里蓋記
山所自來以為名也又交州脆州山移至青
州凡山徙皆不極之異也此二事未詳其世
尚書金縢曰山徙者人君不用道士賢者不
興或祿去公室賞罰不由君私門成群不救
當為易世變號說曰善言天者必質之於人

天有四時五行日月相推寒暑迭代其轉運
也和而為雨怒而為風散而為露亂而為霧
凝而為霜雪立為蜃蜺此天地之常數也若
四時失運寒暑乖違則五緯盈縮星辰錯行
日月博蝕彗孛流飛此天地之色詆也此寒
暑不時天地承否也故石立土踊天地之淫

朱林六十三

北二

贊也山崩地陷天地之癰疽也衝風暴雨天
地之奔氣也雨澤不降川瀆涸竭天地之焦
枯也漢哀帝建平三年零陵有樹量地圍一
丈六尺長一十四丈七尺民斷其本長九尺
餘皆枯三月樹本自立故處汝南平陽遂鄉
有樹博地生枝葉如人形身青黃色面白頭

髮梢長六寸一分京房易傳曰王德欲衰下人將起則有木生爲人狀其後有王莽之篡漢建昭五年兗州刺史浩賞禁民私所立社山陽橐鄉社有大槐樹吏伐斷之其夜樹復立故處說曰凡斷枯復起皆廢而復興之象也是世祖之應耳 漢靈帝嘉平三年右校別作中有兩樗樹高四尺其一株宿昔暴長長一丈餘龐大一圍作胡人狀頭目鬚髮備具其五年十月正殿側有槐樹皆六十圍自枝倒豎根上枝下其於洪漸皆爲木不曲直中平又長安城西北六七里有空樹中有人面生鬚漢光和七年陳留濟陰東郡寬勾離抵界中草生作人狀操持立弩牛馬龍蛇鳥獸之所白黑各如其色羽毛頭目足翅皆備非但騁騁像之尤純舊說曰近草妖也是歲有黃巾賊起漢遂微弱吳五鳳元年六月交趾釋草化爲稻 晉永嘉五年十一月有偃鼠出延陵郭璞巫之遇臨之益曰此郡東縣當

卷

朱林六十三

廿三

有妖人欲構制者尋亦自死矣。吳先主時陸敬叔爲建安太守使人伐大樹下數斧忽有血出至樹斷有一物人頭狗身從樹穴中出走叔曰此名彭侯烹而食之其味如狗葛祚字亢先丹陽句容人也吳時作衡陽太守郡境有大槎橫水能爲妖恠百姓爲之立廟行旅必過要禱祠槎槎乃沉沒不着槎浮則船爲破壞祚將去官乃大具斤斧之屬將伐去之明日當至其夜廟保及左右居民聞江中勾勾有人聲非常咸恠之旦往視槎移去泐流流下數里駐在灣中自此行者無復覆之患衡陽人美之爲祚立碑曰政德所獲神等爲移尋舊說云太古之時有大人遠征家無餘人唯有一男一女壯馬一疋女親養之窮居幽處思念其父乃戲馬曰尔能爲我迎得父還吾將嫁汝既承此言馬乃絕轡而去徑至父所父見馬驚喜因取而乘之馬望所自来悲鳴不息父曰此馬無事如此我家

得無有故乎乃亟乘以歸爲畜生有非常之情故厚加芻養馬不肯食每見女出入輒喜怒奮擊如此非一父恠之密以問女女具以告父必爲是故也父曰勿言恐辱家門且莫出入於是伏弩射而殺之曝皮於庭父行女與隣女於皮所戲以足蹙之曰汝是畜生而

欲取人爲婦耶招此屠剥如何自苦言未及竟馬皮擲然而起卷女以行隣女忙怕不敢救之走告其父父還求索已出失之後經數日得於大樹枝間女及馬皮盡化爲蜚而績於樹上其蠶綸理厚大異於常蜚隣婦取而養之其校數倍因名其樹曰桑桑者喪也由斯

百姓竟種之今世所養是也言桑蜚者是古蜚之餘類也案天官辰爲馬星蜚書日月當大火則浴其種是蜚與馬同氣也周禮教人職掌禁原蜚者注云物莫能雨大禁原蜚者爲其傷馬也漢禮皇后親採桑祀蜚神曰苑窳婦人寓氏公主公主者女之尊稱也苑窳

蜚

宋林六十三

廿四

婦人先蜚者也故今世或謂蜚爲女兒者是古之遺言也出此十驗宋釋僧瑜吳興餘杭人本姓周氏弱冠出家号爲神理精脩苦業始終不渝元嘉十五年遊懸廬山同侶有曇温慧光等皆厲操貞潔俱尚幽棲乃共築架其山之陽今招隱精舍是也瑜常以爲結溺

三途情形故也情將盡矣形亦宜損藥王之躡獨何云遠於是屢發言誓始契燒身四十有四孝建二年六月三日將就本志道俗赴觀車騎填接瑜率衆行道訓授典戒今日密雲將雨瑜乃慨然發誓曰若我所志克明天當清朗如期誠無感便宜滂澍使此四輩知神應之無昧也言已頃之雲景明霽及焚燭交志合掌端一有紫氣騰空別表煙外移晷乃歇後旬有四日瑜所住房裏雙桐生焉根枝豐茂巨細如一貫攘直竦遂成鴻樹理識者以爲娑羅寶樹尅炳泥洹瑜之庶幾故見斯證因号曰雙桐沙門吳郡張辯時爲平南

長史親觀其事具爲傳讚云出真祥記

從蕃國向雪山南界至屈露多悉立等國
云從此驛北行可以九日有一寶山山中土
石並是黃金有人取者即獲殃咎出王玄榮
西國行傳

延聖寺撰書

法苑珠林卷第六十三

壁三

釋音

壙餘封堯莫古鼻徒含反紆反古莖反跋反跋反跋反

殍渠曉脛徒困慙音恪璿似緣反暖烏代

僚盧皓反巖平秘反肩居器反繳居天反

穀魚既反燔附表反確苦角反曩渠追反

光徐姊反鋌子辭反憊式竹反整呼各反

犛莫交反簞都寒反淖尼効反簪徐醉反

贅之芮反蹶居月反置子耶反

迺音列良薛愈余庶反麓谷反蛭上丈觀

蚺音列良薛蚺俞矩反

大宋國平江府吳江縣范陽鄉仙仁里石湖居住奉
佛貢補進士莫師旦同姪在郎汝梅謹發誠心施財入

磧砂寺大藏經坊刊法苑珠林第六十三卷計壹萬貳仟四伯

茶拾陸字每字伍拾文總計陸伯貳拾叁貫捌佰文舊會所集
功德用伸資薦

祖考妣 宋故莫公十五府君 徐氏三五孺人

潘氏三五孺人 莫公曾念六迪功 超昇

佛界 寶祐元年九月日貢補進士莫師旦同姪汝梅謹題

都勸緣大檀越成忠郎趙安國

法苑珠林卷第六十四

壁四

大唐上都西明寺沙門釋道世撰

漁獵篇第七十三此有慈悲篇第七十四

述意部第一 敬尋如來設教深尚仁慈禁

戒之科殺害爲重衆生貪濁愛戀己身刑害

他命保養自軀由著滋味漁捕百端貪彼甘